

## IZVJEŠTAJ O RADU ZA 2023. GODINU

1. Tokom 2023. godine vođene aktivnosti na prikupljanju dodatne dokumentacije za kompletiranje Prijave manifestacije „Proljetni uranak-Zenička čimburijada“ na listu nematerijalne kulturne baštine Bosne i Hercegovine“. S ciljem sagledavanja ovog elementa nematerijalne kulturne baštine sa kulturološkog, historijskog, sociološkog, etnološkog i antropološkog aspekta, početkom 2023. godine organizovali smo Okrugli sto na temu: Nominacija manifestacije „Proljetni-uranak – Čimburijada“ na listu nematerijalne kulturne baštine Bosne i Hercegovine. Uvodničari su bili: prof. dr. Mirza Džananović- Filozofski fakultet u Zenici, Adnadin Jašarević - direktor Muzeja grada Zenice, Sead Pašić-sociolog i Faruk Kadrić – voditelj projekta.Video prezentaciju je realizovao Mirsad Mujkić. Također, organizovali smo i terensko istraživanje o evaluaciji pratećih programskih sadržaja Čimburijade koju je proveo prof.dr. Dino Arnaut sa Ekonomskog fakulteta u Zenici. U konačnici smo izradili Elaborat „Od proljetnog uranka do Čimburijade– Tradicija koja traje“, autori prof. dr. Mirze Džananović i Faruk Kadrić. Sva arhivska građa urađena je u digitalnoj formi. Preporuke za Nominaciju dali su Muzej grada Zenice i dr. sc. Dževad Drino, historičar redovni profesor na Pravnom fakultetu. (Aplikacija za Nominaciju dostavljena je 22. februara 2024. godine Federalnom ministarstvu kulture i sporta).
2. Po tradiciji 21. marta održana je Zenička čimburijada, Forum građana Zenice je bio organizator pratećih kulturno-zabavnih sadržaja i aktivnosti. Početak manifestacije je začinjen proljetnim urankom u kojem su pored članova Foruma učestvovali i studenti sa Univerziteta u Ljubljani, Sveučilišta u Zadru i Filozofskog fakulteta u Zenici. Tokom dana obnovljeni su i sljedeći programski sadržaji:
  - Ceremonija otvaranja manifestacije sa pozdravnim obraćanjima Muhsina Ibrahimagića, predsjednika Foruma i Fuada Kasumovića, gradonačelnika
  - Podjela čimbura za posjetioce u organizaciji firme „Salčinović“
  - 8. Takmičenje u pripremanju Zeničkog čimbura
  - Eko regata na rijeci Bosni u organizaciji SRK Bosna
  - Prvo proljetno kupanja u rijeci Bosni- kupač Zijad Zahirović
  - Kulturno-zabavni sadržaji u izvedbi orkestra „Zeničke meraklije“ i ansambla „Bosnia folk“. Prisustvo animatora u maskoti Čimburko.
  - Podjela kafe iz velike džezve za posjetioce – sponzor firma „Vispak“.Manifestaciji je prisustvovalo oko 7000 posjetilaca, među njima su bili i gosti iz drugih gradova i inostranstva.  
U sklopu ove manifestacije priređena je i mala čimburijada za djecu iz zeničkih obdaništa. Također, realizovan je i tradicionalni konkurs za učenike zeničkih osnovnih škola na temu „I stiže proljeće u moj grad“.
3. U povodu 820. godišnjice Bilinopoljske izjave i 12. aprila Dana oslobođenja Zenice u parku Kulina bana održana manifestacija “Tragovima prošlosti u ljepšu budućnost”. O važnosti historijskih datuma iz naše prošlosti kazivao je mr. Vernes Menzilović. Muzički dio programa upotpunili su članovi hora OŠ “Musa Ćazim Ćatić”. U sklopu programa saopšteni su rezultati konkursa “I stiže proljeće u moj grad”. Nagrađenim i pohvaljenim učenicima za literarne i likovne radove dodjele su nagrade, diploma i zahvalnice kao i poklon paketi naših sponzora. Zahvalnice i poklon paketi dodijeljeni i nastavnicima za poticaj literarnoj i likovnog stvaralaštva među učenicima. Prateći

sadržaj programa bila je izložbena postavka najuspješnijih literarnih i likovnih radova učenika. Voditeljica i naratorica prigodnih tekstova bila je Sabina Kulenović, glumica BNP.

4. Realizovan projekat "Gastroetno" sa podnaslovom *Tako su kuhale naše majke*. Ovim projektom ukazalo se na tradicijsko naslijeđe pripremanja jela povodom društvenih i porodičnih okupljanja i druženja. na području Zeničko-dobojskog kantona. Realizovane su sljedeće aktivnosti:
  - Provedena anketa putem internet na 1195 adresa na području Zeničkog dobojskog kantona. Odgovorilo je 107 ispitanika. Svi anketirani smatraju da su tradicionalni običaji i jela koja se tim povodom pripremaju dio kulturno-historijske baštine i da je to potrebno sačuvati i unapređivati. Također, rezultati ankete upućuju na zaključak da to dobara osnova za razvoj turizma.
  - Panel diskusija na temu: Valorizacija i zaštita tradicionalnih običaja i jela koja se tim povodom pripremaju. U Panel diskusiji su učestvovali: prof. dr. Irzada Talajić-profesorica na Poljoprivredno-prehrambenom fakultetu UNSA, Samir Šibonjić-ministar Ministarstva za privredu u vladi ZE-DO kantona i Muhsin Ibrahimagić-voditelj projekta u ulozi moderator.
  - Promocija tradicionalnih jela pripremljena i predstavljena u restoranu Trubadur hotela Dubrovnik. U pripremi jela su učestvovali i učenici Mješovite srednje škole Zenica.O realizaciji ovog projekta objavljena je prigodna brošura.
5. Obilježavanje 834. godišnjice Povelje Kulina bana Prigodan program održan je u parku Kulina bana. O značaju i važnosti Povelje Kulina bana za višestoljetnu državotvornost Bosne i Hercegovine govorio je historičar dr.sc. Dževad Drino, profesor na Pravnom fakultetu u Zenici. Emitovan je i audio snimak teksta Povelje Kulina ban koje kazuje spiker Tomo Bošković. Muzički program su izveli članovi hora Art Sonore pod vodstvom prof. Saida Jusića. Prateći sadržaj programa bila je izložbena postavka "Stećci – biseri srednjovjekovne Bosne". Prigodne poetske tekstove kazivala je Sabina Kulenović, glumica BNP. U pripremi ove manifestacije organizovana je radna akcija na uređenju parka Kulina bana.
6. U maju mjesecu održana je Izborna-izvještajna Skupština Foruma građana na kojoj su razmatrani i usvojeni Izvještaji o radu i materijalno-finansijskom poslovanju za 2022. godinu i Okvirni program rada za period 2023-2026. godina, Također, na sjednici je usvojen novi Statut Foruma građana a iz privatnih razloga umjesto Muhsina Ibrahimagića dosadašnjeg predsjednika Foruma za novog predsjednika izabran je Mirsad Mujkić.
7. U okviru neformalne koalicije "Positive Tolerance" ostvareno aktivno učešće u Javnoj raspravi o budžetu grada Zenice za 2024. godinu. Na sesiji sa NVO članicama koalicije pripremljeni su konkretni prijedlozi i sugestije na Nacrt budžeta koji su dostavljeni gradskoj upravi. Ova sesija održana je uz podršku ureda OSCE u Travniku.
8. Učešće u akciji oplemenjavanja i uređenju mobilijara parka i objekata u krugu Doma mladih. Akcija je provedena u organizaciji. neformalne koalicija "Positive Tolerance".
9. Formiran je Savjet Foruma koji čini 15 članova U Savjet su imenovani istaknuti građani iz različitih društvenih oblasti grada Zenice. S obzirom da je ovo početak rada Savjeta konkretne rezultate očekujemo u narednom periodu.
10. Povodom obilježavanja Dana Foruma, 27. decembra, održana je svečana sjednica Predsjedništva u proširenom sazivu uz druženje sa članovima Foruma. U okviru ove

svečanosti istaknuti su aktuelni i budući zadaci Foruma kao i osvrt na historiju osnivanja Foruma o čemu su govorili Mirsad Mujkić i Faruk Kadrić

11. Tokom ovog perioda održano je 9 sjednica Predsjedništva Također, održano je više operativnih sastanaka radnih grupa s ciljem realizacije aktuelnih programskih zadataka kao i projektnih timova za izradu i implementaciju projekata.
12. Ukupna aktivnost i postignuti rezultati imali su pozitivan odjek u široj javnosti o čemu svjedoče brojne informacije i prilozi objavljene u elektronskim i printanim medijima i društvenim mrežama (BHT; FTV; RTV Zenica; TV Hayat;TV N1; TV1,OBN TV; NTV IC Kakanj; BH radio; radio FBiH; radio M; radio Stari grad, Kalman radio; Radio Tuzla; radio Brčko; radio Sarajevo;Zenit radio; Zenica blog; agencija Fena; klix.ba; Zenica info; 072 info; Direktno.ba; Miruh Bosne; Faktor; Skyscraper city Canada, direktno.ba; zdkinfo; krupljani.ba; ilidzagrads.net; SarajevoTimes; i drugi)  
O svim događajima građani su informisani i putem naše Web i FB stranice

FORUM GRAĐANA ZENICE

---

Mirsad Mujkić, predsjednik